

## Stiùireadh-measaidh Taic Freumhan Coimhearsnachd 2026-28

### Sgrùdadh ro-mheasaidh air iarrtasan

Bu chòir gun tèid gach iarrtas a sgrùdadh mus tèid e airson measadh gus dearbhadh gu bheil e a' leantainn riaghailtean an sgeama mar a tha ann san stiùireadh. Mur eil e a' leantainn nan riaghailtean a leanas, bu chòir gun tèid iarraidh air an neach-iarrtais na mearachdan a cheartachadh ro **10m air Diciadain 7 Faoilleach 2026** no faodar an iarrtas a dhiùltadh gun measadh.

Riaghailtean airson iarrtasan ro-mheasadh:

- Iarrtas bho buidheann ag iarraidh £5,000 no nas lugha, no fo £10,000 airson pròiseact nas fhaide na 12 mìosan; Neach fa-leth ag iarraidh nas lugha na £5,000
- Iarrtas taic-airgid aig no nas lugha na 80% de chosgaisean iomlan a' phròiseict
- Teachd-a-steach agus cosgaisean slàn airson a' phròiseict ri fhaighinn
- Pròiseact air tòiseachadh eadar Giblean is Dùbhlachd 2025
- Pròiseact a' crìochnachadh rè no ron Lùnastal 2027
- Fiosrachadh-taice riatanach air a chur a-steach
- Ainm air a chur ris an iarrtas le neach bho bhuidhinn is dearbhadh air fhaighinn air coileanadh Obair Cothromach

### Sgòradh fa-leth

Bu chòir gach ball den phannal nochdadh aig a' chiad chothrom ùidh sam bith ann an gin de na h-iarrtasan tron sgeama. Ma tha ùidh aig ball ann an gin de na h-iarrtasan, bu chòir dhaibh seo a chlàradh nuair a thèid iarraidh le Fluxx is cha leig seo leis am ball an t-iarrtas sin a mheasadh.

Bu chòir gach ball den phannal na h-iarrtasan a sgòradh ann am Fluxx a rèir an stiùiridh gu h-ìosal. Thathar an dùil gum bi sgòr de cho-dhiù 60% gu h-iomlan a dhìth airson iarrtas a bhith airidh air moladh taic-airgid.

Bu chòir gach puing-measaidh a bhith air a sgòradh a-mach à 5, le stiùireadh gu h-ìosal air na tha gach sgòr a' comharrachadh. Ma tha stiùireadh sònraichte ann airson puing-measaidh, bu chòir sin a bhith ga mheas mar phrìomhachais.

- 5 – Gu math làidir
- 4 – Làidir
- 3 – Math
- 2 – Lag
- 1 – Gu math lag

Bidh sgòr iomlan an uair sin air a dhèanamh le Fluxx le bhith ag iomadachadh sgòr a-mach à 5 airson gach slat-tomhais le cuideam gach slat-tomhais, agus iad seo a chur còmhla, mar a chithear san eisimpleir gu h-ìosal.

| Puing-measaidh                                         | Sgòr | Cuideam     | Sgòr le cuideam |
|--------------------------------------------------------|------|-------------|-----------------|
| Inbhe a' phròiseict                                    | 5/5  | 25%         | 25%             |
| A' coileanadh amasan na maoine                         | 4/5  | 25%         | 20%             |
| Comas lìbhrigidh                                       | 3/5  | 15%         | 9%              |
| Sgrùdadh is measadh                                    | 2/5  | 10%         | 4%              |
| Ionmhas is luach an airgid                             | 3/5  | 20%         | 12%             |
| Àrainneachd, Co-ionannachd, Iomadachd & In-ghabhalachd | 4/5  | 5%          | 4%              |
| <b>IOMLAN / TOTALS</b>                                 |      | <b>100%</b> | <b>74%</b>      |

## Stiùir air puingean-measaidh

### Buaidh a' phròiseict

#### **Inbhe agus freagarrachd a' phròiseict – 25%**

- Dè cho soilleir is a tha beachd/raon-obrach a' phròiseict air a chur an cèill?
- Dè cho buannachdail agus a bhiodh am pròiseact do chleachdadh na Gàidhlig sa choimhearsnachd ionadail nan robh taic-airgid air a thoirt seachad dha?
- Dè cho math agus a tha am pròiseact ann a bhith ag obair leis a' choimhearsnachd ionadail?
- A bheil amasan soilleir aig a' phròiseact airson na tha e ag iarraidh a choileanadh?
- Mas e pròiseact leantainneach a th' ann, a bheil e soilleir mar a bhios am pròiseact a' togail air toraidhean a fhuair e roimhe?

#### **A' coileanadh amasan na Maoine – 25%**

- Dè cho math 's a tha an t-iarrtas a' coileanadh amasan sònraichte na maoine a tha air ainmeachadh?
- Cia mhead daoine a bhios cleachdadh na Gàidhlig mar phàirt den phròiseact?
- A bheil am pròiseact a' cruthachadh cothroman ùra gus Gàidhlig a chleachdadh?
- Am bi dìleab aig a' phròiseict a thaobh cleachdadh na Gàidhlig?
- A bheil an t-iarrtas a' cur taic ri gnìomhan sònraichte ann am [Plana Corporra Bòrd na Gàidhlig 2023-28](#)?

### Lìbhrigeadh a' phròiseact

#### **Comas lìbhrigidh – 15%**

- A bheil an t-iarrtas a' sealltainn gu bheil sgilean agus eòlas gu leòr aig an tagraiche gus am pròiseact a lìbhrigeadh gu soirbheachail?
- A bheil an tagraiche air cùmhnanan le taic-airgid Bhòrd na Gàidhlig a choileanadh gu soirbheachail roimhe?
- Dè an uimhir den phròiseact a thèid a' lìbhrigeadh tro mheadhan na Gàidhlig?
- A bheil comasan Gàidhlig math aig an neach/sgioba a bhios a' lìbhrigeadh a' phròiseict?
- A bheil e soilleir bhon iarrtas mar a thèid an obair a choileanadh?
- Am bi am buidseat iomchaidh airson am pròiseact a lìbhrigeadh gu tùr?
- Am bi an clàr-ama iomchaidh airson am pròiseact a lìbhrigeadh gu tùr?
- Ma tha an tagraiche air taic-airgid fhaighinn bhon Bhòrd a-cheana, a bheil iad air na dleastanasan aca a choileanadh a thaobh aithneachadh taic-airgid?

*Mur eil am pròiseact air an lìbhrigeadh tro mheadhan na Gàidhlig gu tur no sa mhòr-chuid, 's e 4 an sgòr as àirde a dh'fhaodar toirt seachad.*

#### **Sgrùdadh is measadh a' phròiseict – 10%**

- Dè cho làidir agus a tha planaichean an tagraiche airson measadh na h-obrach aca?
- A bheil targaidean soilleir is ruigsinneach aig an tagraiche?
- A bheil e soilleir mar a bhios an tagraiche a' tionail fios air ais bhuapasan a gheibh buannachd bhon phròiseact?
- A bheil a' bhuidheann air na dleastanasan aice a choileanadh a thaobh aithisgean is a bhith a' toirt fiosrachadh seachad dhan Bhòrd airson pròiseactan a fhuair taic-airgid roimhe?

#### **Ionmhais / Luach an airgid – 20%**

- Am bi tòrr dhaoine a' faighinn buannachd bhon airgead a thathar a' sireadh?
- A bheil buidseat a' phròiseict reusanta airson a leithid agus e a' coimhead air dòighean gus cosgaisean a lùghdachadh far a bheil sin comasach?
- A bheil taic iomchaidh ann bho thùsan eile no cìsean bho chom-pàirtichean?
- A bheil an iarrtas sealltainn mar am biodh an taic-airgid seo air a stiùireadh agus cleachdadh ann an dòigh èifeachdach?
- Ciamar a tha am pròiseact a' sealltainn adhartais bho phròiseactan a fhuair taic-airgid a-cheana?

#### **Àrainneachd, Co-ionannachd, Iomdachd & In-ghabhalachd – 5%**

- Dè cho mòr 's a bhios a' bhuidheann aig a' phròiseact air an àrainneachd (gu h-àraid a thaobh siubhail)?
- A bheil an t-iarrtas a' sealltainn mar a bhios am pròiseact a' gabhail cothrom gus a' bhuidheann air an àrainneachd a lùghdachadh?
- A bheil poileasaidh no aithris àrainneachd aig a' bhuidheann?
- A bheil an t-iarrtas a' toirt chothroman do dhaoine òga fo chùram agus, ma tha, dè cho math 's a tha e a' freagairt nam feumalachdan aca?
- A bheil an t-iarrtas a' nochdadh aire air dleastanasan co-ionannachd agus a' toirt chothroman do dhaoine le feartan dìante a bhith a' dol an sàs leis a' Ghàidhlig?

*Mur eil freagairt sam bith ann air a cheist air a chuspair, thoir seachad sgòr de 1.*

*Ma tha an t-iarrtas a' sealltainn gu bheil iad air aire a thoirt do na ceistean ach nach bi am pròiseact a' tabhann chothroman gu sònraichte a thaobh Pàrantan Corporra & co-ionannachdan, thoir seachad sgòr de 2.*

*Mur eil an t-iarrtas a' beachdachadh air na riatanasan uile a thaobh àrainneachd, co-ionannachd agus Pàrantan Corporra, 's e an sgòr as àirde a dh'fhaodar toirt seachad 4.*

## Measadh mar phannal

Às dèidh do bhuill a’ phannail na h-iarrtasan a mheasadh, thig iad còmhla gus aonta a ruighinn ma tha taic-airgid air a mholadh dhan iarrtas.

- Ma tha:
  - Dè an t-sùm airgid a thathar a’ moladh?
  - A bheil cumhaichean no prìomh chomharran coileanaidh (PCCan) ri mholadh airson an aonta
- Mura h-eil, carson nach eil an t-iarrtas freagarrach?

Thèid na molaidhean seo, is sùm chuibheasach sgòran gach buill fa-leth, a chur dhan Sgioba Stiùiridh.

Airson gach iarrtas a tha am pannal-measaidh a’ moladh dhan Sgioba Stiùiridh, faodaidh iad moladh gum bithear a’ tabhann sùm taic-airgid a tha nas lugha na an t-sùm a chaidh iarraidh chun na h-ìre a tha am pannal den bheachd gum bi an t-sùm:

- 1) Nas freagarraiche airson na Phròiseict na an suim a chaidh iarraidh
- 2) A’ toirt seachad luach an airgid do Bhòrd na Gàidhlig
- 3) Fhathast a’ leigeil leis a’ phròiseact tachairt (fiù ach pàirt dheth)

Ma tha barrachd taic-airgid air a mholadh airson a thabhann do phròiseactan na tha comasach a thaobh buidseat, bu chòir na molaidhean dhan Sgioba Stiùiridh a bhith air an dèanamh a-rèir sgòr iomlan a’ phannail ach cuideachd gu bheil pròiseactan freagarrach air am maoineachadh ann an diofar sgìrean den dùthaich (m.e. dearbhadh gu bheil farsaingeachd de phròiseactan ann a-rèir cruinn-eòlas, farsaingeachd iomchaidh de sheòrsaichean pròiseactan).

## Co-dhùnaidhean Sgioba Stiùiridh

Bidh Sgioba Stiùiridh Bhòrd na Gàidhlig a’ tighinn gu co-dhùnadh air na h-iarrtasan uile, a thaobh a bheilear a’ toirt seachad taic-airgid no nach eil, agus ma tha an t-iarrtas soirbheachail dè an t-sùm a bhithear a thabhann is cumhaichean no PCCan ri chur san aonta.

Faodaidh an Sgioba Stiùiridh dol an-aghaidh molaidhean a’ phannail gu tur no ann am pàirt, is chan eil e riatanach a bhith leantainn prìomhachas air na h-iarrtasan air a chur an cèill leis a’ phannal.

Dh’fhaodadh gun iarr an Sgioba Stiùiridh tuilleadh fiosrachaidh airson co-dhùnadh a dhèanamh, no dh’fhaodadh gun aontaich iad ri iarrtas “ann am prionnsapal”, far am bi cumha ri choileanadh mus tèid taic aontachadh dhan a’ phròiseact. Faodar clàr-ama a chur air an aonta ann am prionnsapal, is far nach eil an cumha air a choileanadh taobh a-staigh a’ chlàr-ama gun tèid an iarrtas a dhiùltadh.

## Eachdraidh Faidhle

v1 – 21 Dàmhair 2025 – Air fhoillseachadh